



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՆԵՐՔԻՆ ԳՈՐԾԵՐԻ ՆԱԽԱՐԱՐՈՒԹՅՈՒՆ
ՈՍՏԻԿԱՆՈՒԹՅԱՆ ՊԵՏ-ՆԵՐՔԻՆ ԳՈՐԾԵՐԻ ՆԱԽԱՐԱՐԻ ՏԵՂԱԿԱԼ**

Հ Ր Ա Մ Ա Ն



թիվ 14 -Լ

**ՀԱՏՈՒԿ ԿԱՆՈՆԱԴՐԱԿԱՆ ԽՆԴԻՐՆԵՐ ԻՐԱԿԱՆԱՑՆՈՂ ԻՐԱՎԱՔԱՆԱԿԱՆ
ԱՆՁԱՆՑ ԱՇԽԱՏՈՂՆԵՐԻ ՀԱՏՈՒԿ ՊԱՏՐԱՍՏՈՒԹՅԱՆ ԾՐԱԳԻՐԸ ԵՎ
ՍՏՈՒԳԱՐՔՆԵՐ ԱՆՑԿԱՑՆԵԼՈՒ ԿԱՐԳԸ ՍԱՀՄԱՆԵԼՈՒ ՄԱՍԻՆ**

«Ձեռքի շրջանառության կարգավորման մասին» օրենքի 16-րդ հոդվածի 6-րդ մասի համաձայն.

ՀՐԱՄԱՅՈՒՄ ԵՄ՝

1. Սահմանել հատուկ կանոնադրական խնդիրներ իրականացնող իրավաբանական անձանց աշխատողների հատուկ պատրաստության ծրագիրը՝ համաձայն հավելված 1-ի:
2. Սահմանել հատուկ կանոնադրական խնդիրներ իրականացնող իրավաբանական անձանց աշխատողների հատուկ պատրաստության ստուգարքներ անցկացնելու կարգը՝ համաձայն հավելված 2-ի:
3. Սույն հրամանն ուժի մեջ է մտնում «Ձեռքի շրջանառության կարգավորման մասին» օրենքն ուժի մեջ մտնելու օրը:

**ՈՍՏԻԿԱՆՈՒԹՅԱՆ
ԳԵՆԵՐԱԼ-ՄԱՅՈՐ**

Ա. ՀՈՎՀԱՆՆԻՍՅԱՆ

«05» մայիսի 2023 թ.

Հավելված 1
 Հայաստանի Հանրապետության
 ոստիկանության պետ-ներքին
 գործերի նախարարի տեղակալի
 «06» մայիսի 2023 թ.
 թիվ 14 -L հրամանի

ԾՐԱԳԻՐ

**ՀԱՏՈՒԿ ԿԱՆՈՆԱԴՐԱԿԱՆ ԽՆԴԻՐՆԵՐ ԻՐԱԿԱՆԱՑՆՈՂ ԻՐԱՎԱԲԱՆԱԿԱՆ ԱՆՁԱՆՑ
 ԱՇԽԱՏՈՂՆԵՐԻ ՀԱՏՈՒԿ ՊԱՏՐԱՍՏՈՒԹՅԱՆ**

1. Սույն ծրագիրը նախատեսված է հատուկ կանոնադրական խնդիրներ իրականացնող իրավաբանական անձանց աշխատողների կողմից զենք և հատուկ միջոցներ կրելու, պահելու և գործադրելու (կիրառելու) տեսական գիտելիքներ և գործնական հմտություններ ձեռք բերելու նպատակով հատուկ պատրաստության (այսուհետ՝ հատուկ պատրաստություն) համար:

2. Հատուկ պատրաստության հիմնական խնդիրներն են.

- 1) հատուկ պատրաստություն անցնող անձի կողմից զենքի և հատուկ միջոցների հետ վարվելու և տարբեր իրավիճակներում դրանք գործադրելու (կիրառելու) հմտությունների ձեռքբերումը,
- 2) զենքի և հատուկ միջոցների գործադրումից տուժած անձանց առաջին օգնություն ցուցաբերելու վերաբերյալ գիտելիքների և հմտությունների ձեռքբերումը,
- 3) օրինականության, կարգապահության և անձնական պատասխանատվության բարձրացումը:

3. Հատուկ պատրաստության ծրագրի բովանդակությունը ներկայացվում է ստորև.

h/h	Թեմայի անվանումը	Ժամաքանակը	
		Դասախոսություն	Գործնական
1	«Ձենքի շրջանառության կարգավորման մասին» օրենքի հիմնական դրույթները: Ձենքի գործադրման կանոնները և իրավական հիմքերը (հոդված 30): Ֆիզիկական ուժի, հատուկ միջոցների և հրազենի գործադրման իրավական հիմքերը (քրեական օրենսգրքի 29-41 հոդվածներ), պայմանները և	2	

	սահմանները:		
2	Պատասխանատվությունը ֆիզիկական ուժի, հատուկ միջոցների, հրազենի՝ լիազորությունների անցմամբ կիրառման, հրազենը և ռազմամթերքը պահելու, փոխադրելու կանոնների խախտման դեպքերում (քրեական օրենսգրքի 159, 160, 169, 170, 337, վարչական իրավախախտումների վերաբերյալ օրենսգրքի 173, 190, 191, 192 և 193 հոդվածներ):	4	
3	Հրազենի և գազային զենքերի մասերի կառուցվածքն ու նշանակությունը: Ծառայողական զենքի մասնակի քանդում և հավաքում: Հրազենի և ռազմամթերքի հետ վարվելու անվտանգության կանոնները՝ դրանք գործադրելիս, պահելիս և կրելիս:	2	2
4	Հատուկ միջոցների տակտիկա-տեխնիկական բնութագրերը: Հատուկ միջոցների գործադրման կանոնները, դրանց հետ վարվելու գործնական հմտությունները:	2	
5	Հրազենային մարմնական վնասվածքներ ստացած, արցունքաբեր կամ գրգռիչ նյութերից խոցված, ինչպես նաև հատուկ միջոցների կիրառման հետ կապված այլ վնասվածքներ ստացած անձանց առաջին օգնություն ցույց տալը:	4	
6	Տուժաձևերին բժշկական հիմնարկներ տեղափոխելու, միջադեպի վայրի անվտանգության ապահովման և համապատասխան մարմիններին տեղեկացնելու ուղղությամբ ձեռնարկվող միջոցառումները:	2	-
7	Գործնական հրաձգություն:		2
	Ընդամենը	16	4
	Ընդհանուր	20	

Հավելված 2
Հայաստանի Հանրապետության
ոստիկանության պետ-ներքին
գործերի նախարարի տեղակալի
« 05 » մայիսի 2023 թ.
թիվ 14 -Լ հրամանի

ԿԱՐԳ

ՀԱՏՈՒԿ ԿԱՆՈՆԱԴՐԱԿԱՆ ԽՆԴԻՐՆԵՐ ԻՐԱԿԱՆԱՑՆՈՂ ԻՐԱՎԱԲԱՆԱԿԱՆ ԱՆՁԱՆՑ ԱՇԽԱՏՈՂՆԵՐԻ ՀԱՏՈՒԿ ՊԱՏՐԱՍՏՈՒԹՅԱՆ ՍՏՈՒԳԱՐՔՆԵՐ ԱՆՑԿԱՑՆԵԼՈՒ

1. Սույնով կարգավորում են հատուկ կանոնադրական խնդիրներ իրականացնող իրավաբանական անձանց աշխատողների (այսուհետ՝ աշխատող) հատուկ պատրաստության ստուգարքներ անցկացնելու հետ կապված հարաբերությունները:

2. Աշխատողին թույլատրվում է մասնակցել ստուգարքի, եթե նա հատուկ պատրաստության գործնական հրաձգության ժամանակ ցուցաբերել է դրական արդյունք: Գործնական հրաձգության արդյունքը նշվում է հատուկ պատրաստություն իրականացնող կազմակերպության կողմից տրված տեղեկանքում՝ համաձայն Ձև 1-ի:

3. Ստուգարքն իրականացվում է տեսական գիտելիքները և գործնական հմտությունները ստուգելու եղանակով:

4. Աշխատողներն անցնում են հատուկ պատրաստություն և հանձնում ստուգարք դիմում ներկայացնելու օրվանից մեկ ամսվա ընթացքում:

5. Ստուգարքին մասնակցելու համար հատուկ կանոնադրական խնդիրներ իրականացնող իրավաբանական անձինք Հայաստանի Հանրապետության ներքին գործերի նախարարության ոստիկանության հասարակական անվտանգության ապահովման գլխավոր վարչություն են ներկայացնում.

1) դիմում (գրություն), որտեղ պետք է նշվեն՝

ա. աշխատողի անունը, ազգանունը և հայրանունը (անձը հաստատող փաստաթղթում հայրանվան առկայության դեպքում),

բ. աշխատողի բնակության վայրը, հեռախոսահամարը կամ էլեկտրոնային փոստի հասցեն (դրանց առկայության դեպքում),

գ. աշխատողի մոտ զենքի տիրապետմանը խոչընդոտող հիվանդությունների և ֆիզիկական թերությունների բացակայության վերաբերյալ բժշկական եզրակացություն (Ձև 2).

2) զենք և հատուկ միջոցներ կրելու, պահելու և գործադրելու (կիրառելու) տեսական գիտելիքներ և գործնական հմտություններ ձեռք բերելու նպատակով հատուկ պատրաստություն անցած լինելը հավաստող փաստաթուղթ.

3) համապատասխան մասնագիտական կրթության վերաբերյալ ավարտական փաստաթուղթ՝ դիպլոմ կամ մասնագիտական պատրաստվածության, վերապատրաստման և որակավորման բարձրացման դասընթացներ ավարտած լինելու վերաբերյալ համապատասխան փաստաթուղթ (վկայական, հավաստագիր և այլն).

4) աշխատողի 2 գունավոր լուսանկար՝ 3 x 4 չափսի.

5) հատուկ կանոնադրական խնդիրներ իրականացնող իրավաբանական անձի ղեկավարի հրամանը՝ զենքի ամրակցման վերաբերյալ:

6. Ստուգարքն անցկացվում է հայերենով:

7. Ստուգարքին կարող են ներկա գտնվել հատուկ կոնոնադրական խնդիրներ իրականացնող իրավաբանական անձի ներկայացուցիչները՝ որպես դիտորդ:

8. Ստուգարքն անցկացնում է հանձնաժողովը, որի կազմավորման կարգը և աշխատակարգը սահմանվում են Հայաստանի Հանրապետության ոստիկանության պետի հրամանով:

9. Հատուկ կանոնադրական խնդիրներ իրականացնող իրավաբանական անձինք ստուգարքի օրվա, ժամի և տեղի վերաբերյալ պատշաճ կերպով ծանուցվում են ստուգարքից առնվազն յոթ օր առաջ: Ծանուցումը տրվում է գրավոր՝ ըստ կազմակերպության նշած հասցեի, իսկ իրավաբանական անձի ցանկության դեպքում՝ նաև հեռախոսով կամ էլեկտրոնային փոստով:

10. Աշխատողների տեսական գիտելիքները ստուգվում են գրավոր՝ թեստային առաջադրանքների միջոցով:

11. Հանձնաժողովը կազմում է թեստավորման հարցաշարերը և թեստավորման առաջադրանքները, որոնք սահմանվում են Հայաստանի Հանրապետության ոստիկանության պետի հրամանով: Թեստավորման հարցաշարը ներառում է առավելագույնը հարյուր հարց, որոնք ստուգման օրվանից ոչ ուշ, քան երկու ամիս առաջ պարտադիր հրապարակվում են <http://www.azdarar.am> հասցեում գործող Հայաստանի

Հանրապետության հրապարակային ծանուցումների պաշտոնական և Հայաստանի Հանրապետության ոստիկանության <http://www.police.am> ինտերնետային կայքերում:

12. Յուրաքանչյուր թեստային առաջադրանք կազմված է 6 հարցից: Յուրաքանչյուր հարց ունի 3 հնարավոր պատասխան, որոնցից 1-ը ճիշտ է: Յուրաքանչյուր ստուգարք հանձնող աշխատողի տրամադրվում է մեկ թեստային առաջադրանք և 30 րոպե ժամանակ՝ իր կողմից նախընտրելի պատասխանի դիմաց համապատասխան նշում կատարելու համար: Թեստավորման առաջադրանքը գնահատվում է դրական՝ 6 հարցերից առնվազն 5-ին ճիշտ պատասխանելու դեպքում: Ստուգարքի արդյունքները հայտարարվում են տեղում:

13. Թեստավորման ժամանակ ստուգվում են՝

1) «Ձեռքի շրջանառության կարգավորման մասին» օրենքի 30-րդ հոդվածի դրույթների իմացությունը.

2) Հայաստանի Հանրապետության քրեական օրենսգրքի 32 (Անհրաժեշտ պաշտպանություն), 34 (Ծայրահեղ անհրաժեշտություն), 337 (Հրազենի, գնեքի, ռազմամթերքի, պայթուցիկ նյութերի կամ պայթեցման սարքերի պահպանության պարտականությունը չկատարելը կամ ոչ պատշաճ կատարելը) հոդվածների դրույթների իմացությունը.

3) Վարչական իրավախախտումների վերաբերյալ Հայաստանի Հանրապետության օրենսգրքի 173 (Հրազենից կրակելը բնակավայրերում և դրա համար չնախատեսված տեղերում կամ սահմանված կարգի խախտումով), 190 (Քաղաքացիների կողմից ողորկափող որսորդական հրազեն ձեռք բերելու պահելու, ուրիշին տալու կամ վաճառելու կարգը խախտելը), 191 (Հրազենը և զինամթերքը պահելու կամ փոխադրելու կանոնները խախտելը), 192 (Հրազենի գրանցման (վերագրանցման) ժամկետները կամ հաշվառման վերցնելու կանոնները խախտելը), 193 (Ողորկափող որսորդական հրազենը և ռազմամթերքը իրացնելուց խուսափելը) հոդվածների դրույթների իմացությունը.

4) հատուկ միջոցների գործադրման կանոնների իմացությունը.

5) կարճ ակոսափող, երկար ողորկափող հրազենի, գազային ատրճանակի, մեխանիկական փոշեցրիչների, աերոզոլային և էլեկտրահարող սարքերի և այլ հատուկ միջոցների տակտիկա-տեխնիկական բնութագրերի, ինչպես նաև՝ հրազենի ու գազային ատրճանակների բաղկացուցիչ մասերի կառուցվածքի և նշանակության իմացությունը:

14. Աշխատողի գործնական հմտությունների ստուգումը ներառում է՝

1) հանձնաժողովի անդամների հսկողությամբ աշխատողի կողմից սույն կարգի 13-րդ կետի 5-րդ ենթակետում նշված զենքի տեսակների մասնակի քանդման և հավաքման հմտության ստուգումը.

2) աշխատողի կողմից ուսումնական զենք և ռազմամթերք օգտագործելով՝ զենքի լիցքավորման և լիցքաթափման, կրակ արձակելու, կրակելուց հետո գործողությունների հաջորդականության ստուգումը.

3) սույն կարգի 13-րդ կետի 5-րդ ենթակետում նշված զենքի տեսակները գործադրելիս, պահելիս և տեղափոխելիս անվտանգության կանոնների պահպանության ստուգումը:

15. Ստուգարքը հանձնած են համարվում այն աշխատողները, ովքեր թեստավորման առաջադրանքից ստացել են դրական գնահատական և գործնական հմտությունների ստուգումն անցել հաջողությամբ:

16. Ստուգարքի արդյունքները գրանցվում են հանձնաժողովի նիստի արձանագրության մեջ և վավերացվում հանձնաժողովի նախագահի և անդամների ստորագրություններով: Հանձնաժողովի նիստի արձանագրության մեկ օրինակը հանձնվում է իրավաբանական անձին, իսկ մյուսը պահվում է իրավաբանական անձի հաշվառման գործում:

17. Ստուգարքից «չստուգված» ստանալու դեպքում հանձնաժողովի նախագահի կողմից 10-օրյա ժամկետում նշանակվում է ստուգարքի վերահանձնում: Վերահանձնումից «չստուգված» ստացած աշխատողը զրկվում է զենք կրելու թույլտվություն ստանալու (երկարաձգելու) իրավունքից:

18. Ստուգարքից «չստուգված» ստացած աշխատողը ստուգարքի արդյունքները կարող է բողոքարկել հանձնաժողովին՝ ոչ ուշ, քան արդյունքները հայտարարելուց հետո մեկ ժամվա ընթացքում: Հանձնաժողովը բողոքի վերաբերյալ որոշումը բողոք ներկայացրած անձին հայտնում է նույն օրը:

19. Ստուգարքից «չստուգված» ստացած աշխատողը մինչև ստուգարքի վերահանձնումը (այդ թվում նաև բողոքարկման դեպքում) զրկվում է զենք կրելու թույլտվություն ստանալու (երկարաձգելու) իրավունքից:

20. Հանձնաժողովը ստուգարքի դրական գնահատականների հիման վրա ընդունում է որոշում ստուգարք հանձնած աշխատողներին քաղաքացիական կամ ծառայողական զենք կրելու թույլտվություն տրամադրելու վերաբերյալ: Թույլտվությունը տրվում է հինգ աշխատանքային օրվա ընթացքում:

